



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1515265

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

18 մարտի 2022թ.

ք. Երևան
(կազմման վայրը)

Ակտի հասցեագրեր

«ՕՍՏ-ՇԻՆ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	6	8	0	5	0	7	2
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արագածոտնի մ. ք. Աշտարակ Ոսկանյան փ. 1

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 22.12.2022թ-ի թիվ 1515265 որոշման համաձայն «Օստ-Շին» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ ընկերությունը Արմավիրի մ. հ. Տանձուտ 31 փ. թիվ 1 հասցեում գտնվող տարածքում իրականացնում է ավազի արդյունահանման գործունեություն:

Իրականացված ՕՀՄ-ի ընթացքում ըստ ընկերության փոխտնօրեն՝ Սևակ Օհանյանը 14.07.2022թ-ին տրված գրավոր հայտարարության՝ ընկերությունը նշված տարածքում ձկնաբուծարան և օժանդակ շինություններ կառուցելու համար ՀՀ Արմավիրի մ. Տանձուտ համայնքի կողմից 18.10.2021թ-ին ստացել է թիվ N 6 շինարարական թույլտվությունը և այդ օրվանից սկսած այդ տարածքից արդյունահանել, վերամշակել և ընկերությանը պատկանող՝ ք. Երևան, Գրիբոյեդովի 17 բետոնե արտադրամաս է տեղափոխել ընդհանուր առմամբ 6.640 մ³ լվացված ավազ, որն օգտագործվել է ընկերության շինարարական կարիքների համար, ինչը համապատասխանել է ՀՀ ՊԵԿ տեղեկատվական բազայում առկա տվյալներին:

Ձեռնարկված ՕՀՄ-ի ընթացքում ընկերությանը պատկանող Արմավիրի մ. հ. Տանձուտ, 31 փ. թիվ 1 հասցեում գտնվող գրասենյակում հայտնաբերվել են սևագիր մատյաններ, ըստ որոնց՝ ընկերության կողմից 2021թ-ի նոյեմբեր ամսից մինչև 17.02.2022թ-ը արդյունահանվել, վերամշակվել և տեղափոխվել է ընդհանուր առմամբ 11.117 մ³ լվացված ավազ, ուստի ընկերության կողմից առանց համապատասխան թույլտվության իրականացվել է ընդերքօգտագործում և օգտակար հանածոների արդյունահանում:

ՕՀՄ-ի ընթացքում պարզվել է նաև, որ 17.02.2022թ-ին ժամը 09:00-ին, ընկերության կողմից «HOWO» մակնիշի 338 AV 61 հաշվառման համարանիշի ավտոմեքենայով

ընկերությանը պատկանող Արմավիրի մ. հ. Տանձուտ, 31փ. թիվ 1 հասցեում գտնվող տարածքից ընկերությանը պատկանող ք. Երևան Գրիբոյեդովի 17 հասցեի արտադրամաս իրականացվել է՝ 20մ³ լվացված ավազի տեղափոխում՝ առանց համապատասխան ուղեկցող փաստաթղթերի:

Վերոնշյալ ավտոմեքենան ընկերության արտադրամաս է ժամանել ժամը 10:30-ին և բեռնաթափվել 10:50-ին, որի համար Բ8997162716 տեղափոխման փաստաթուղթը դուրս է գրվել 17.02.2022թ-ին ժամը 10:47-ին:

Վարչական վարույթի ընթացքում՝ 15.03.2022թ-ին ՀՀ ՊԵԿ ՀՕՀ վարչության կողմից ի լրումն 17.02.2022թ-ի թիվ 1515265 արձանագրության տեղեկանք է տրամադրվել այն մասին, որ համադրելով ՀՀ ՊԵԿ տեղեկատվական բազայում առկա տվյալներն 1մ³ լվացված ավազի շուկայական արժեքը կազմում է 5.000-6.000 ՀՀ դրամ: Այսպիսով ընկերության կողմից իրականացվել է՝ ընդամենը 100.000-120.000 ՀՀ դրամ արժեքով լվացված ավազի տեղափոխում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 100.000 ՀՀ դրամ արժողությամբ ապրանքների տեղափոխման համար հարկ վճարողի կողմից 17.02.2022թ-ին ժամը 10:30-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև ընկերության աշխատակիցներ՝ Նարեկ Նվերի Մինասյանի, Կարեն Միշայի Եգորյանի, Գևորգ Գագիկի Եգորյանի, Հովհաննես Արարատի Վարդանյանի, Ռաֆիկ Շավարշի Ազիզյանի, Գյուրգի Վիլյայի Սարգսյանի և Ահարոն Արշավիրի Սաֆարյանի կողմից 17.02.2022թ-ին տրված գրավոր հայտարարություններով:

Թիվ 1515265 արձանագրությամբ 17.02.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 14.03.2022թ-ին նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Ընդերքի մասին ՀՀ օրենսգրքի 78-րդ հոդվածի համաձայն սույն օրենսգրքի պահանջների խախտման համար ընդերքօգտագործողները և (կամ) նրանց պաշտոնատար անձինք կրում են Հայաստանի Հանրապետության օրենքներով սահմանված կարգով պատասխանատվություն: Արգելվում է առանց ընդերքօգտագործման իրավունքի ընդերքօգտագործման իրականացումը:

Առանց սույն օրենսգրքով սահմանված թույլտվությունների օգտակար հանածոների արդյունահանում կամ օգտակար հանածոների արդյունահանման նպատակով երկրաբանական ուսումնասիրություն իրականացնելն առաջացնում է Հայաստանի Հանրապետության հարկային օրենսգրքով սահմանված պատասխանատվություն:

ՀՀ ընդերքի մասին օրենսգրքի 3-րդ հոդվածի 1-ին մասում սահմանված են հիմնական հսկացություններ, որի 3-րդ կետի համաձայն՝ ընդերքօգտագործում երկրաբանական ուսումնասիրությունների, օգտակար հանածոների արդյունահանման նպատակներով ընդերքի օգտագործում կամ ընդերքօգտագործման թափոնների վերամշակում:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 408-րդ հոդվածի 1-ին մասով ըստ որի՝ ...«Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում հայտնաբերված՝ «Լիցենզավորման մասին» Հայաստանի Հանրապետության օրենքին համապատասխան

լիցենզավորման ենթակա գործունեությունն առանց լիցենզիայի իրականացնելու ... դեպքում գործունեության յուրաքանչյուր տեսակի մասով կազմակերպությունից կամ անհատ ձեռնարկատիրոջից գանձվում է տուգանք՝ լիցենզիայի կամ թույլտվության տրման կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի դրույքաչափի տասնապատիկի չափով, բայց ոչ պակաս 500 հազար դրամից:

Միևնույն ժամանակ համաձայն ՀՀ հարկային օրենսգրքի 408-րդ հոդվածի 3-րդ մասի սույն հոդվածի 1-ին և 2-րդ մասերով սահմանված խախտումներ հայտնաբերվելու դեպքերում խախտումներ կատարած կազմակերպությունից կամ անհատ ձեռնարկատիրոջից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

«Պետական տուրքի մասին» ՀՀ օրենքի 19.4-րդ հոդվածի 3-րդ կետի համաձայն շինանյութերի արտադրության հումքի, այդ թվում՝ երեսպատման, շինարարական քարերի, լցանյութերի և բալաստային հումքի յուրաքանչյուր հանքավայրի օգտագործման (շահագործման) թույլտվության տրամադրման համար տարեկան պետական տուրքը հաշվարկվում է բազային տուրքի 500-ապատիկի չափով:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1.000 դրամը:

«Օստ-Շին» ՍՊԸ-ի կողմից խախտվել է նաև ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ

տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում «Օստ-Շին» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Օրենքով սահմանված պետական տուրքը հաշվարկվում է 500.000 ՀՀ դրամ, որի տասնապատիկը կազմում է 5.000.000 ՀՀ դրամ, ուստի օրենսդրական պահանջից ելնելով «Օստ-Շին» ՍՊԸ-ի նկատմամբ կիրառելի է 5.000.000 ՀՀ դրամի չափով տուգանք և 500.000 ՀՀ դրամ գումարի չափով վնասի հատուցում: Տեղափոխվող ապրանքների ընդհանուր գումարը կազմել է 100.000 ՀՀ դրամ, որի 50 տոկոսը կազմում է 50.000 ՀՀ դրամ, ուստի օրենսդրական պահանջից ելնելով «Օստ-Շին» ՍՊԸ-ի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Օստ-Շին» ՍՊԸ-ին գանձման առաջադրել 5.000.000 ՀՀ դրամի չափով տուգանք որպես հարկային պարտավորություն, 500.000 ՀՀ դրամ օրենքով սահմանված պետական տուրքի գումարի չափով վնասի հատուցում, ինչպես նաև՝ 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 408-րդ հոդվածի 1-ին մասով սահմանված տուգանք ընդամենը, որից՝	5.000.000	պետական բյուջե	900008000490
Հարկային օրենսգրքի 408-րդ հոդվածի 3-րդ մասով սահմանված վնասի հատուցման գումար, որից՝	500.000	պետական բյուջե	900008000490
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	պետական բյուջե	900008000490
Ընդամենը վճարման ենթակա գումար	5.700.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

ստորագրությունը

Կ.Տ.

Ստացա ակտի մեկ օրինակը

ընդամենը 5 էջ

տնօրեն Ռոբերտ Օխանյան

2022թ.

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հատուկ առաջման դեպքում)

ստորագրությունը

(նշում ակտը ստորագրելուց և (կամ) ստանալուց հրաժարվելու մասին)